

景明四年十月七日廣川王祖母太妃侯自以流歷弥切於法喻遠囑遇像教身非達士雖奉聯紫暉早頃片體孤育幼孫以紹蕃國水薄之心唯歸真寂今造弥勒像一區願此微因資潤神識現身永康朗悟旨覺遠除曠世無明德業又延未來空宗妙果又願孫息延年神志遠就胤嗣繁昌慶光万世帝祚永隆弘宣妙法民愚未悟咸發菩提

N° 1608

景明三年八月十八日廣川王祖母太妃侯約亡夫侍中使持節征北將軍廣川王賀蘭汗勒像願令永絕苦因速正覺

N° 1607

大代正始三年六月廿日佛子孫大兆為七世父母所生父母造釋迦佛一區

N° 1613

大代正始三年十二月廿二日佛弟楊小妃為亡造釋迦像一區願亡父上生天上弥勒授福

N° 1616

邑子像

邑主仇池楊大眼為孝文皇帝造象記

夫靈光弗曜大千懷永夜之蹤不邁禁生含靡導之懺是以如來應羣緣以顯迹爰暨像遂著降及後王茲功厥作輔國將軍直閣將軍梁州大中正安戎縣開國子仇池楊大眼誕承龍曜之資遠踵應符之胤稟英奇於弱年挺超羣於始冠其也垂仁聲於未聞揮光也推百方於一掌震英勇則九宇存侍納則朝野必附清王衢於三紛掃雲鯨於天路南穢既澄震旅歸闕軍次行路運石窟覽先皇之明蹤觀盛聖之麗迹矚目霄法然流感遂為孝文皇帝造石像一區凡及眾形罔備列刊石記功示之云尔武

N° 1614

魏靈藏 釋迦像 薛法紹

夫靈跡誕道必表光大之迹玄功既敷亦標希世之作自雙林改照大千懷緞暎之悲慧日潛暉含生銜道慕之痛是以應真悼三乘之靡憑遂騰空以刊像爰暨下代茲容厥作鉅鏡魏靈藏河東薛法紹二人等求豪光東照之資闕兜率超頭之益敢輒罄家財造石像一區凡及眾形罔不備列願乾祚興延万方朝貢願藏等挺三槐於孤峯秀九棘於華苑芳實再繁荆條獨茂合門榮葩福流奕葉命終之後飛蓬千聖神颺六通智周三達曠世所生元身眷屬捨百朝則鵬擊龍花悟無生則鳳昇道樹五道羣生咸同斯慶陸渾縣功曹魏靈藏

N° 1615